



---

PRAVILNIKA O POSTUPKU INTERNOG PRIJAVLJIVANJA  
KORUPCIJE U OPĆINI ILIJAŠ



Na osnovu člana 31. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo" broj: 35/22) i člana 57. Statuta općine Ilijaš - prečišćeni tekst ("Službene novine Kantona Sarajevo", br. 20/09 i 46/18) Općinski načelnik donosi :

## PRAVILNIKA O POSTUPKU INTERNOG PRIJAVLJIVANJA KORUPCIJE U OPĆINI ILIJAŠ

### Član 1.

Pravilnikom o postupanju po internim prijavama korupcije (u daljem tekstu: Pravilnik) uređuje se način prijave korupcije, postupanja po prijavama korupcije ovlaštenih osoba za postupanje po prijavama korupcije (u daljem tekstu ovlašteno lice) kao i način izvještavanja o prijavama i njihovoj vrsti i obavještavanju prijavitelja o poduzetim radnjama u Općini Ilijaš.

### Član 2.

Prijava korupcije se smatraju pismeno i usmeno obavještenje koje sadrži informaciju iz koje prizilazi sumnja da je izvršena korupcija.

Prijavom se smatra i javno objavljivanje informacije iz kojih proizilazi sumnja prijavitelja da je izvršena korupcija.

Prijavu ima pravo da podnese svako lice za bilo koji oblik korupcije koji podrazumijeva zloupotrebu povjerene funkcije, radne obaveze ili posla od strane nosioca javne funkcije ili javnog službenika u Općini Ilijaš, koja može dovesti do sticanja privatne koristi.

### Član 3.

Prijava korupcije se može izvršiti putem protokola, pošte, elektronske pošte(e-mail) ili online, putem kutije/sandučića za prijavu ili usmeno na zapisnik.

Prijave se dostavljaju potpunom obrazca za prijavu u zatvorenoj koverti sa naznakom „Prijava korupcije“ predajom na protokol općine Ilijaš.

Podnesci će se obrađivati i dostavljati na Jedinostvenom obrazcu za prijavu korupcije koji je sastavni dio ovog Pravilnika ili na drugi način, kako je to povoljnije za podnosioca.

### Član 4.

Nadležnost za zaprimanje i postupanje po prijavama korupcije ima ovlaštena osoba za postupanje po prijavama korupcije.

Ovlaštenje iz stava 1. ovog člana daje Načelnik općine pismeno rješenjem.

Načelnik može ovlastiti više osoba za postupanje po stavu 1. ovog člana.

### Član 5.

Ovlašteno lice ima sljedeća prava i ovlaštenja:

a) vodi protokol o pristiglim podnescima i zapisnički preuzima - zaprima, evidentira pristigle prijave,

b) obrađuju prijave i donosi odluke u skladu sa odredbama Zakona o prenciji i suzbijanju korupcije u Kantonu Sarajevo i Instrukciji o postupanju po zaprimljenim prijavama korupcije,

c) ukoliko je više ovlaštenih osoba, poslove iz tačke a) i b) ovog člana rade zajedno. U slučaju različitog pristupa svako ovlašteno lice ima pravo da izuzme svoje mišljenje od konačne odluke i da obavjesti Načelnika općine.

d) Ovlaštena osoba za ovjeru svojih akata na potpis, uz predhodnu saglasnost općinskog Načelnika ima pravo da koristi pečat „Načelnik Općine“.

### Član 6.

Sastanci više ovlaštenih osoba se održavaju po podnesenim prijavama.

Sastanke može sazvati svaka ovlaštena osoba koji se mogu odvijati i putem telefona - konferencijski, te putem e-maila, s tim da su na sastanak pozvani sve ovlaštene osobe.

Ovlaštene osobe donose odluke i poduzimaju druge radnje većinom glasova svih prisutnih na sastanku, a odluke obavezuju sve ovlaštene osobe.

#### Član 7.

Ovlaštena osoba nakon što zaprimi prijavu dužna je da u roku od 30 dana donese Odluku uz obrazloženje.

Mjere i aktivnosti u vezi obrade i postupanja sa prijavama se provode ažurno, a u koordinaciji i saradnji sa nadležnim institucijama / organima.

Sve odluke se čuvaju u arhivi općine Ilijaš sa rokom čuvanja 10 godina u zapečaćenim kutijama sa naznakom ne otvaraj. Pristup arhiviranim odlukama imaju ovlaštena osoba, Općinski Načelnik i nadležni organi gonjenja.

#### Član 8.

U postupanju po prijavama, ovlašteno lice će preduzeti sve radnje na način kojim se osigurava zaštita svake osobe koja to zatraži u skladu sa Zakonom o zaštiti ličnih podataka BiH i drugih propisa koji uređuju ovu oblast.

Svi podaci iz podnesaka, kao i identitet prijavitelja i ostalih lica koji se navode u podnescima obrađivat će se u skladu sa Zakonom o zaštiti ličnih podataka i Zakonom o zaštiti tajnih podataka.

#### Član 9.

Svi uposleni u Općini Ilijaš i druga lica, koji na bilo koji način učestvuju u postupanju po podnescima i primjeni ovog Pravilnika, nezavisni su u svom radu.

Svaki neprimjeren uticaj i sprječavanje primjene odredbi ovog Pravilnika predstavlja težu povredu obaveza radne dužnosti u skladu sa Uredbom o pravilima disciplinske odgovornosti državnih službenika i namještenika u organima državne službe ili Zakonom o radu FBiH.

#### Član 10.

Općinski načelnik je dužan osigurati uslove za pravovremeno i nesmetano provođenje svih mjera i aktivnosti u vezi sa primjenom ovog Pravilnika.

Općinski načelnik ima obavezu čuvanja ugleda ovlaštenih osoba i pravo da zamijeni ovlaštenu osobu koja na bilo kakav način ne postupa u skladu sa ovim Pravilnikom, te narušava ugled Općine u toku radnog vremena i poslije radnog vremena.

Općinski načelnik ima obavezu da prijavi nadležnim organima svaku zloupotrebu korištenja podataka od strane ovlaštenih osoba.

#### Član 11.

Nadzor nad provođenjem ovog Pravilnika vrši Općinski načelnik neposredno i/ili putem posebnog punomoćnika ili putem posebnog punomoćnika.

#### Član 12.

Na sve što nije predviđeno ovim Pravilnikom na odgovarajući način primjenit će se odredbe Zakona o prevenciji i suzbijanju korupcije u Kantonu Sarajevo, Instrukcije o postupanju po zaprimljenim prijavama korupcije koje donosi Ured za borbu protiv korupcije i upravljanje kvalitetom Kantona Sarajevo, Zakona o upravnom postupku FBiH, Zakona o krivičnom postupku FBiH, Zakona o zaštiti ličnih podataka i Zakona o zaštiti tajnih podataka i drugih propisa relevantnih za predmetnu oblast.


#### Član 13.

Ovaj Pravilnik stupa na snagu danom donošenja i biti će objavljen u Oglasnoj ploči općine Ilijaš i web stranici općine Ilijaš.

Stupanjem na snagu ovog Pravilnika prestaje da važi Pravilnik o postupanju po podnescima sa indicijama koruptivnog ponašanja broj: 01/2-34-1425/19 od 08.97.2019.godine.

Broj: 02/1-30-2749/22

Ilijaš, 05.12.2022 .godine



OPĆINSKI NAČELNIK

Akif Fazlić.dinl ecc

Z